

SMUDŽÍĆ (SO)

čo. 18

- a) něšto so přez horcotu zničí a počnje smjerdžeć a čorne być, kaž na př. drasta; ale tež spěchać, chwatać
- b) někomu so něšto njesměrnje lubi, njemóže hižo bjez toho być
- c) něchtó so zminje, něchtó so zhubi

Prawa je wotmołwa **a**.

Werb „smudzić so“ wužiwa so hłownje za scěhowacu situaciju: Maš drastu při horcych kachlach wisajo, nadobo počnje drasta smjerdžeć a čmowe blaki měć – smudži so. Podobnje to je, hdyž wusmuž abo mloko na kachlach wuběžitej a so přismudžitej; tež to potom njesměrnje smjerdži.

Nimo toho wužiwa so werb tež w zmysle „po zahrodže, po puću smudzić“, štož rěka spěšnje běžeć, čekać. Hdyž je slónco chětro intensiwne a praži a pali, potom wone smudži.

Takle móžeš to tež prajić:

so přismudzić_p

spěchać: smalić_{ip}, čěrić_{ip}

slónco: pražić_{ip}, smalić_{ip}, palić_{ip}

Připódla prajene:

Serbsce prajimy na njepríjomny scěh jednanja abo jeli smy špatne nazhonjenja z něčim abo někim činili, zo smy sej porsty wosmudžili.

Přikłady z rěčneho korpusa:

Drasta při kachlach so smudži. (LHV)

W awgusće slónco hižo wotranja smudži. (LHV)

Ow ně, mi je so wusmuž přismudžił. Kak to smjerdži! A kak mam hornč hdy zaso wurjedzić? (LHV)